

Կ. Լ. ՀՈՎՀԱՆՆԻՍՅԱՆ, էրեբունի—Երևանի հիմնադրման 2750-ամյակի առթիվ, Երևան, 1968
 Երևանի հիմնադրման 2750-ամյակի առթիվ, 1968 թ. լույս տեսավ ճարտարապետ Կ. Լ. Հովհաննիսյանի ղեկավարությամբ «էրեբունի» վերտառությամբ, հայերեն և ռուսերեն լեզուներով, Հորելյանական այս հրատարակությունը (հիմնականում նկատի ունենք հայերեն օրինակը) կատարված է խնամքով, լավորակ թղթի վրա, նկարներով հարուստ. հրատարակական աշխատանքը դնահատվեց ըստ արժանվույն. գիրքը նվաճեց մրցանակ (ձևավորել է Ն. Խանդավյանը)։

Գրքի հեղինակը փորձել է Արին-բերդի պեղման ու պեղածո նյութերի ուսումնասիրությունների արդյունքը շարադրել համեմատաբար մատչելի ձևով։

Ուրարտուի ճարտարապետության հարցերով Կ. Լ. Հովհաննիսյանը ղրաղվել է դեռևս ԽՍՀՄ-ի միջնաբերդի առնչությամբ, որպես Կարմիր-բլուրի հնադրական արշավախմբի ճարտարապետ։

1950 թ. պրոֆ. Բ. Բ. Պիոտրովսկու ղլխավորությամբ նա ձեռնամուխ եղավ նաև Արին-բերդի հետազոտական աշխատանքներին, որի ընթացքում ձեռք բերած արժեքավոր նյութերը հիմք ծառայեցին այնտեղ նախաձեռնելու պարբերական պեղումներ։

Այս ամբողջ ընթացքում Կ. Լ. Հովհաննիսյանը Ուրարտուի ճարտարապետության բնագավառում հասել է հետաքրքիր եղրակացությունների։

Հետաքրքրական են Կ. Հովհաննիսյանի վերակազմությունները, ինչպես ԽՍՀՄ-ի միջնաբերդի կամ նրա առանձին կառույցների (հյուսիսային միջանցքի, № 28 մասանի, միջնաբերդի և այլ)՝, այնպես էլ Արին-բերդի կառույցների (խալդիի տաճարի, ապագանի, հրո փոքր տաճարի և այլ)՝, որոնք, եթե որոշ թերացումներ էլ ունենան, այնուհանդերձ հիմքում ճիշտ պետք է լինեն։

Ըստ Կ. Հովհաննիսյանի կարևոր դիտողության, Ուրարտուի ճարտարապետությունը առաջնորդվել է որոշակի մոդուլներով. այսպես, օրինակ, շինարվեստում դործել է 5×8-ի փոխհարաբերությունը, որը պարզորոշ նկատելի է պալատական տաճարի (սուսիի) և այլ կառույցների շափերի մեջ։

Երբ արդեն հայտնի դարձավ Արին-բերդի 2-րդ շերտի ժամանակը և պարզվեց, որ խալդիի տաճարի վերակառուցումը աթեմենյան ժամանակաշրջանի մշակույթի արդասիք է¹, Կ. Հովհաննիսյանը բացահայտեց նաև, որ պալատական շենքի վերակառուցումը փոխակերպել է այն հրո տաճարի (ատրուշանի)՝, իսկ պալատական շենքի հարավ-արևելյան արտաքին պարսպին կից փոքր շափերի աղյուսաշեն կառույցը նույնպես հրո տաճար է, որի պատերի աղյուսաշարն էլ տարբեր է ուրարտական շարվածքից։

Կ. Հովհաննիսյանը մասնահատուկ ուշադրության արժանացրեց ուրարտացիների որմնանկարչական արվեստը, որը կաղմել է Ուրարտուի և առհասարակ հին արևելյան ճարտարապետության բաղկացուցիչ մասը։

¹ էրեբունի բերդ-քաղաքի տեղը հայտնի դարձավ հենց 1950 թ., երբ Արին-բերդում հայտնաբերվեց էրեբունի-Երևանի հիմնադրումը նշող առաջին արձանագրությունը։

² К. Л. Оганесян, Архитектура Тейшебаини. Кармир-блур, IV, 1955, նկար № 22, 28, 39.

³ К. Л. Оганесян. Архитектура Эребуни, Арин-берд, I, 1961, նկար № 27, 45, 53. նաև էրեբունի..., 1968.

⁴ Ի. Ա. Խսրայան, Արծաթե երկու դրամ Արին-բերդից. «Սովետական Հայաստան», 1957, № 9, էջ 16; Գ. Ա. Տիրացյան, 1) Երվանդունիները Հայաստանում, ՀՍՍՀ ԳԱ «Տեղեկագիր», 1958, № 6, էջ 62—63; 2) Արին-բերդի սյունադարձ դահլիճը և սատրապային կենտրոնների հարցը Հայկական լեռնաշխարհում. նույն տեղում, 1960, № 7—8, էջ 99—114; К. Л. Оганесян. Архитектура Эребуни, 1961, էջ 58—102.

4. Հովհաննիսյանը պարզել է նաև կառույցների վարպետության տարբեր մանրուքներ, ծածկերի, հատակների, պատերի կազմությունը և այլն: Այս ամենը իր պատշաճ տեղն է զբաղել զրախոսվող աշխատության մեջ:

Անշուշտ ո՛չ բոլոր դիտողությունները կարելի է վերջնականապես ավարտուն համարել: Այսպես, օրինակ, 4. Հովհաննիսյանը գրում է, որ միջնաբերդի պարսպի տակ, պաշտպանվելու համար եղել են սալարկներ⁵, բայց այդ սալարկները, ինչպես ակնհայտորեն երևում է էրերունիի միջնաբերդի վերակառուցումից, 4. Հովհաննիսյանը պատկերացնում է պարիսպների արտաքին կողմում, որը տրամաբանական չէ և նպաստելու էր դրսից հարձակվողին. և ո՛չ թե ներսից պաշտպանվողին. կամ՝ 4. Հովհաննիսյանը ենթադրում է, թե սյան վիթխարի խարսխներ պարունակող շենքը (Ե, «տուն» գաղափարադիրը կրող) լրացուցիչ կառույց է՝ Դուցե դրա համար կա՞ն հիմքեր, բայց ներկայացված վիճակում այս եզրակացությունը համոզիչ չի հնչում: Մենք նկատի ունենալով արձանագրական նյութը (վերջին տարիներում բացված այդ կառույցի պեղման ո՛չ բոլոր տվյալներն են մեզ հայտնի), դտնում ենք, որ Ե-ն լրացուցիչ կառույց չի կարող լինել. այն կազմել է յուրաքանչյուր լներդ-քաղաքի (մասնավորապես միջնաբերդի) անհրաժեշտ բաղկացուցիչ մասը, ըստ երևույթին, աշխարհիկ բովանդակությամբ, ինչպես կարելի է ենթադրել այնտեղ հայտնաբերված որմնանկարներից⁷. սա, իհարկե, ասված է պայմանական առումով, քանի որ Հին Արևելքում ամեն մի հասարակական բնույթի աշխարհիկ երևույթ կրել է իր վրա կրոնական դրոշմ:

Որ Ե-ն լրացուցիչ կառույց չէ, հիմնավորվում է հենց այն կարևոր հանգամանքով, որ այդ շենքն էլ, բերդի մյուս համահավաք կառույցների հետ միասին, հիմնադրել է նույն Արգիշթի Ա-ը:

Կարծում ենք, ճիշտ չէ նաև պալատական դահլիճի որմնանկարների վերակազմությունը՝ ըստ 4. Հովհաննիսյանի՝ լայն գոտենախշում՝ ամեջընդմեջ առյուծներ են ու ծնկալոր ցուներ»⁸: Իսկ այդ նույն դահլիճում մեր պեղումների ժամանակ դտնվել են և ձիու պատկերի բեկորներ (նույնպես լայն գոտու պատկանող). պարզ չէ, թե որտե՞ղ է տեղադրում ձին 4. Հովհաննիսյանը: Մենք համոզված ենք, որ առյուծն ու ցուլը (նաև ձին), որպես առանձին իմաստի խորհրդանիշներ, միևնույն զարդագոտում չէին կարող զետեղվել, այլ նրանցից յուրաքանչյուրը պետք է կազմեր անշատ գոտենախշ (թեմատիկ երեք գոտի), ինչպես այդ պարզ երևում է նաև Ալթըն-թեփեում հայտնաբերած մի որմնանկարի վերակազմությունից⁹:

Ինչպես պետք է ենթադրել պեղման արդյունքներից, սուսիի (պալատական տաճարի) ներսում զոհաբերություններ շեն կատարվել, և ծածկը կարող էր «երդիկ» ունենալ լուսի ներթափանցման, բայց ոչ ծուխը քաշելու համար¹⁰:

Բանն այն է, որ պալատական տաճարի ներսում ո՛չ մոխիր է հայտնաբերվել, ո՛չ որևէ ասանի կտոր, ո՛չ էլ կենդանական ոսկրի բեկոր. այնտեղ նվիրաբերվել են մեծ մասամբ և ուրարտական ժամանակից առ վաղ հայկականը, մետաղե և ալլ թանկարժեք իրեր (բրոնզե օղակ-սեր, նետասլաքներ, նիզակի ծայրեր, ուլունքներ և այլն):

Այս բոլորով հանդերձ՝ ճարտարապետական հարցերի լուծումը մենք շենք կարող թեղազնահատել. թեև անցյալի մշակույթը դեռ շատ ծալքեր ունի, որոնք մեզ հայտնի շեն և պարզելու համար շատ քանքեր ու նոր տվյալներ են պետք, բայց և այնպես Ուրարտուի ճարտարապետության բնագավառում առայսօր կատարվածը արժանի է ուշադրության և զնահատանքի:

Քննարկվող գրքում ճարտարապետական հարցերից դուրս կան նաև պատմական, հնագիտական ու լեզվագիտական դիտողություններ:

Գրքի 5-րդ էջում 4. Հովհաննիսյանը հիշատակում է էրերունիի հիմնադրման մասին խոսուարձանագրությունը և ապա գրում. «Արգիշտին հրամայեց համանման մի արձանագրություն էլ քարի վրա փորագրել պետության մայրաքաղաք Տուշպայում, ինչպես նաև նույն բնագիրը դրվագել բրոնզե արձանիկի պատվանդանին»:

5 4. Հովհաննիսյան, էրերունի..., 1968, էջ 34:

6 Նույն տեղում, էջ 36, 46:

7 Նույն տեղում, էջ 47—48:

8 Նույն տեղում, էջ 44:

9 Մ. Ա. Իսրայելյան, Ուրարտական մի հուշարձան Երզնկայի մոտ. «Պատմա-բանասիրական հանդես», 1967, № 4, էջ 311—316, նաև նկար 4:

10 4. Հ. Հովհաննիսյան, էրերունի..., 1968, էջ 41: Ի դեպ՝ թե ինչու սուսին (և այլ շինարարական տերմիններ) 4. Հովհաննիսյանը հատուկ անուն է համարում և գրում զլխատառով, մեզ համար անհասկանալի է:

Անշուշտ, խոսքը վերաբերում է երկսող սեպագիր արձանագրությանը բրոնզե գողտրիկ պատվանդանին. որի վրայի արձանիկը, համաձայն քննարկվող գրքի 30-րդ էջի, եղել է փայտից և ո՛չ թե բրոնզից (կամ այլ նյութից)։ Այնուհետև, բոլորովին էլ ճիշտ չէ, այն էլ այդքան վճռա-
կան տոնով հայտարարել թե՛ «...նույն բնագիրն է զրվագել... պատվանդանին»։ Վերջինը իր եր-
կու տող արձանագրությանը հիշատակում է քաղաքի խորհրդաւիշը, որ պատրաստվել է «երբ
քաղաքը հիմնադրվել է», և ո՛չ թե նախորդի նման հաղորդում է քաղաքի հիմնադրումը «ի
փառս (») Բիայնա երկրների, ի սարսափ (») թշնամի երկրների»։

Այդ խորհրդանիշը 4. Հովհաննիսյանը համարում է Կարմիր-բլուրում հայտնաբերված փայտե
որս արձանիկներից մեկը, ասանց հիմնավորելու մնացած երեք նույնանման արձանիկների առ-
կայությունը, ինչպես և անտեսելով հենց պատվանդանի վրայի արձանագրության բովանդակու-
թյունն ու ժամանակի կրոնա-պաշտամունքային զուգափարախոսությունը¹¹։

Հաջորդ՝ 6-րդ էջում հայտարարված է, թե ուրարտական սեպագրերի «Բ» հնչյունը հայերե-
նում ամենուրեք համապատասխանում է «վ»-ի¹²։ Սա նույնպես ճիշտ չէ և ստեղծում է այն
տպավորությունը, թե էրեբունի—Նոեկան փոխանցումը մի բոլորովին պարզ հարց է, մինչդեռ
«ամենուրեք» չէ, որ ուրարտերեն «Բ»-ն հայերենում «վ» է տալիս, այսպես, օրինակ, ուրարտե-
րեն արիլիանիխի ցեղանվան «Բ»-ն նույնությամբ պահպանված է նրա հայերեն «Արեղյան»

փոխանցման մեջ. այնուհետև, նշված չէ, որ «...» սեպախումբը վերծանվում է և՛ պու (կամ
փու), և՛ բու, որ պու-ով վերծանողներ եղել են¹³, և այսօր էլ ղեռ կան¹⁴. Իսկ այդ ղեպքում քա-
ղաքանունը նշում է Խպունի (կամ էր(է)պունի), որից Նոեկան ոչ մի ղեպքում չի ստացվի։

Ճիշտ չէ նաև հետևյալ հայտարարությունը. Արգիշթին մի շարք արշավանքներ է կատարել,
որոնք իբր «...թվականներով հիշատակված են տարեգրության մեջ»¹⁵։ Նման որևէ թվական տվյալ
չկա սեպագրերում, և ուրարտագետները բազմաթիվ նյութերի համադրության միջոցով միայն կա-
րողանում են մոտավորապես որոշել այս կամ այն թագավորի գահակալության տարիները։

Ուրարտերեն միևնույն բառը (napahaidi) 4. Հովհաննիսյանը նշել է մի ղեպքում «խաղա-
ղեցման համար» թարգմանությամբ, մի այլ ղեպքում՝ «ի սարսափ»¹⁶. կամ էգալլ (E. GAL), նրա
կարծիքով, ուրարտերեն բառ է (էջ 36), մինչդեռ ուրարտերենում այն գաղափարագիր է, որի
ուրարտերեն համարժեքը, ցավոք, մեզ հայտնի չէ։

Գրքում կան նաև լեզվա-ոճական անհարթություններ¹⁷, հատուկ անունների դրության շփոթ¹⁸,
ծանոթագրությունների ակնհայտ անճշտություններ¹⁹, ինչպես և ոչ հստակ մտքեր. այսպես, օրի-
նակ, պարզ չէ, թե հեղինակը ինչ է ուզում ասել, երբ գրում է՝ «...բնիկ ուրարտացի...» ար-
մատապես հեղաբեկում են «...տեղական ղեղեցի պատմական ճակատադիրը» (էջ 7, 10. ընդգծում)՝
մերն է.— Մ. ԻՍԲ.)։ Կամ՝ «Արգիշտիխիսիլիին վիճակված էր ապագայում կարևոր դեր խաղալ
ուրարտական վիճագրության ստեղծման գործում» (էջ 28) և այլն։ Կան և շփոթանշանակ մրա-

¹¹ 4. Հովհաննիսյան, էրեբունի..., 1968, էջ 30։ Իբր քաղաքի խորհրդանիշը պատկեր-
վել է շարքային զինվորականի կերպարանքով։

¹² Նույն տեղում, էջ 6։

¹³ К. Л. Оганесян, Арии-берд (Ганли-тапа. урартская крепость города Ирпуни. Изв. АН Арм. ССР, № 8, 1951, էջ 76; Б. Б. Пигровский, Кармир-блур, 11, 1952, էջ 10, 52; И. М. Посева, Раскопки урартской крепости города Ирпуни (Ерепуни) на холме Арии-берд. СВ, 1955, № 3։

¹⁴ Г. А. Меликишвили, Урартские клинообразные надписи, № 138, տող 4։ Mirjo Salvini, Nalri e Ur(u)arri, 1967, էջ 51։ Եվ այլն։

¹⁵ Նույն տեղում, էջ 27։

¹⁶ Նույն տեղում, էջ 28. Թարգմանողները տարբեր հեղինակներ են, որոնք չեն նշված։

¹⁷ Նույն տեղում, էջեր՝ 8, 11, 12, 18, 28 և այլն։

¹⁸ Նույն տեղում, էջեր՝ 5, 14, 15, 10, 17, 25, 27, 36 և այլն։

¹⁹ Օրինակ՝ ծանոթագրություններում խոսում է Ս. Սահակ (Վանի) եկեղեցում հայտնաբեր-
ված կոթողի մասին և վկայակոչում է Ն. Հարությունյանին (որը այդ մասին որևէ ակնարկ չունի՝
նշված աշխատության մեջ), փոխանակ Գ. Ա. Մելիքիշվիլուն կամ Կ. Լեման-Հաուպտին նշելու
(էջ 27. ծնթ. 3)։ էջ 25-ում (ծնթ. 2) կամ էջ 39-ում (ծնթ. 2) փոխանակ սկզբնաղբյուրը նշե-
լու (ABNY, 38, կամ՝ 49—367), հիշատակում է Բ. Բ. Պիոտրովսկուն, էջ 12-ում (ծնթ. 8)
գրում է՝ «...վերջերս Կարմիր-բլուրում հայտնաբերված նոր վիճագրական նյութերի վերծանու-
թյունից» և ծանոթագրում է... Վ. Ս. Գոլենիշևին և այլն, և այլն։

քեր. համաձայնելով Հ. Մարտիրոսյանի հետ, Արգիշթիխինիին համարում է վարչա-տնտեսական և կրոնական կենտրոն (էջ 27, ծնթ. 5), բայց հաջորդ էջում նշում է, թե՛ Արգիշթիխինին «...ունեցել է երկու միջնաբերդ»։ Ուրեմն, կարելի է ենթադրել, որ Արգիշթիխինին եղել է նաև ռազմական կենտրոն. այդ մասին լուր է Կ. Հովհաննիսյանը²⁰։

Կ. Հովհաննիսյանը էրեբունիի անկումը վերադրում է մ. թ. ա. 585 թ., մարերին և ո՛չ թե սկյութներին, որը հիմնավորում է նույն փաստերով, ինչպես սկյութների կապակցությամբ, այն է՝ որոշ իրերի փոխադրումով էրեբունիից Թեյշեբաինի. սլարգ չէ, ուրեմն, հակառակ իր նախկին կարծիքի, էրեբունին և Թեյշեբաինին կործանվել են միաժամանակ, սկյութների թե՛ մարերի գրոհներով²¹։ Պարզ չէ նաև, թե ինչպես մարերի գրոհներով կործանված ուրարտական պետությանը անմիջապես փոխարինում է հայն ու Հայաստանը (էջ 21)։ Ինչ վերաբերում է էրեբունիի անընդմեջ պատմությանը (էջ 23), անհրաժեշտ էր նշել այդ հարցը արժարժող նախորդող հեղինակներին²²։

Պետք էր նաև ծանոթագրել մի շարք այլ հեղինակների. այսպես, օրինակ, Գ. Ա. Վախուցյանին, Արարատյան հարթավայրը ուրարտացոց 2-րդ կենտրոն համարելու առթիվ (էջ 12) Գ. Ա. Տիրացյանին, էրեբունին աքեմենյան սատրապության կենտրոն մատնանշելու առթիվ (էջ 22, 60—61), նաև՝ ուրարտական մշակույթի ազդեցությունների հարցի առթիվ (էջ 15, 23 և այլն)։ Գ. Ա. Մելիքիշվիլիուն, ուրարտական կրոնական կենտրոնների մասին խոսելիս (էջ 51)։ Սեպագիր ընդգրկելով մեջբերելիս չի հիշատակում դրեթե ո՛չ մի հեղինակի (չէ՛ որ ինքը վերծանող չէ), այդ թվում և Բ. Բ. Պիոտրովսկուն (էջ 30 և այլուր)։

Անհրաժեշտ էր նաև, որ Կ. Հ. Հովհաննիսյանը այս հորելյանական հրատարակության մե. ազելի մանրամասն խոսեր պեղումները կատարող սրբազանների աշխատանքների մասին. չէ՛ որ հնագիտական պեղումը, մանավանդ Արին-բերդում, մի մարդու գործ չէր ո՛չ միայն սև աշխատանքի բնագավառում, այլև, մանավանդ, մասնագիտական առումով։

Գրախոսվող գրքույկը իր թերություններով հանդերձ օգտակար է լայն ընթերցողի համար հատկապես իր վավերագրական նկարներով։

Մ. Ա. ԻՍՐԱՅԵԼՅԱՆ

²⁰ Արգիշթիխինիի առթիվ տե՛ս նաև մեր թեկնածուական դիսերտացիայի ավտոնոմիզացիայի «Պատմական Արմավիրը ըստ ուրարտական արձանագրությունների», 1949 թ., էջ 7, 14։

²¹ Համեմատի՛ր՝ Կ. Մ. Օգանեսյան, Архитектура Эребуни, 1961, էջ 7, 13 և «էրեբունի», 1968, էջ 21։

²² И. М. Посева, Раскопки цитадели урартского города Ирепун, КСИИМК, 1955, պրակ 58, էջ 50։ Գ. Ա. Տիրացյան, նշված աշխատությունները։ Մ. Ա. Իսրայելյան. — 1) Կարմիր-բլուրի նորագյուտ արձանագրությունները. Ն. Մառի անվան կաթինիտի աշխատություններ, 1947, № 2, էջ 222. 2) Արին-բերդի SUSI- տաճարը..., «Տեղեկագիր», 1957, № 9, էջ 103—104։ և՛ այլուր։